

unde jungen Berldin von Husen zcu Balnhusen; *Einlager zu Erfurt oder Mühlhausen*. Gegebin — zcu Gota — vierczen hundirt iar darnach in deme zcwenczigisten iare am sonstage nach Andree.

109.

- 5 *Kurfürst Albrecht III. von Sachsen, Kurfürst Friedrich I. von Brandenburg und Markgraf Friedrich IV. schließen ein Bündnis auf Lebenszeit.* Meißen, 1420 Dez. 3.

Hschr.: 2 Orr.Perg. HStA Dr. Nr. 5829 (D) und GStA Berlin, Weltliche Reichsstände, Sachsen (B). 3 SS. (1. = XXXII 5; 3. = XX 3) an Perg.-str. — Gleichz. Abschr. (nach B) GStA Berlin R 78,2 Copiarium march. Friderici I. Bl. 65 (Cop.).

10 *Gedr.: Riedel II 3,374 (nach D).*

Anm.: Vgl. Nr. 110.

Wir Albrecht von gotis gnaden zcu Sachsin unde Lunemburg herczog des heiligen Romischin riechs erczmarschalk unde wir Friderich von gotis gnaden marggrave zcu Brandenburg des heiligen Romischin riechs erczkammerer unde burggrave
15 zcu Nurenberg unde wir Frederich von denselbin gnaden der elder lantgrave in Doringen unde marggrave zcu Missen bekennen — fur uns, alle unser erben unde nachkomen —: Wanne wir von eigener bewegenisse unsers gemutes betrachtet unde angesehen haben manchirley unrechtfertikeit, die leider in dissien landen sien unde sich von tage zcu tage mehren, die zcu furkomen unde rechtikeit^{a)} zcu mehren, darumbe gotc deme
20 almechtigen zcu lobe, deme heiligen Romischen rieche zcu dinste unde zcu ehren, den landen zcu befridungen, umbe^{b)} gemeyns nuczes unde zcukumpftigen gutes, ouch von angeborner liebe unde fruntschaft wege habin wir uns zcu eynander virbunden unde vireynet, virbinden unde vireynen uns ouch geginwerticlichen mit kraft dicz briefes, als hienach geschreben stet. [1] Czum erstin das wir, unser erben unde nachkommen
25 alle unser lebetage eynander frundlichen meynen, ehren, furdern, virentwerten unde unser eyner des andern schaden warnen unde sien bestis mit Worten unde mit^{c)} werken ungeverlichen furnemen sullen unde wollen glichir wiese, als^{d)} ab es unser iczlichen selbis liplichen antrefe, ane geverde. [2] Wir sollen unde wollen ouch eynander mit liebe unde mit^{e)} gute getruwlichen behulffen unde beraten sien zcu allen unser iczlichen
30 nöten unde krigen ane allerley hulfrede unde ane arg, unde unser keyner sal des andern fiand nicht werden umbe nymandes unde umbe keynerley sache willen noch in bescheidigen oder bescheidigen lassen oder unsern mannen oder^{f)} undersassen, die in unsern landen gesessin sien, des nicht gestaten zcu thun in keynerley wiese ane geverde. [3] Geschehen aber daruber keynerley zcugriffe oder bescheidigunge uß unser
35 eyns landen von unsern mannen unde undersassen in des andern hern lande :c., so sal unser iczlichir deme andern getruwelichen bysteyn^{g)} unde behulffen sien, den oder die, die sulche zcugriffe unde schaden getan hetten, ernstlichen darczu zcu brengen, das sulchir schade mit eyden oder mit widdertat gekert werde in vier wochin, nachdeme unde wir des virmant werden, ane widderrrede unde ane geverde. [4] Wer

40 109. a) gerechtiikeit B, Cop. b) und B, Cop. c) mit fehlt B, Cop. d) also B, Cop. e) mit fehlt B, Cop. f) und B, Cop. g) bistendig B, Cop.